

譚友夏合集目錄 卷十二

鵲灣文章

墓銘

選谷先生墓誌銘

觀察使吳公白雪墓誌銘

廣西古田縣桐木鎮巡檢陳公墓誌銘

將仕郎思野陳公墓誌銘

三十四舅氏墓誌銘

先府君志銘

沈母改葬誌銘

先母墓誌銘

岸和尚壙銘

家仲氏墓誌（闕）

譚友夏合集 卷十二 目錄

譚友夏合集 卷十二

鵲灣文章

竟陵 譚元春友夏著

誌銘

退谷先生墓誌銘

退谷先生者。吾友鍾學伯使敬先生也。退谷既葬。其弟曰快者。謂元春知獨深。可不須狀而銘。又地下人偏嗜其文字。不宜舍所嗜乞他人銘。元春唯唯。居數月。其嗣陔夏復以母黃宜人之命申焉。元春返其幣而哭。使予不爲文。則已使予。而尙爲文也。舍是奚述焉。雖然。退谷異人也。不奪其形影精光。使必傳於世。徒絮絮然爲誌墓之言。彼其詩文譔述。雖傳矣。而形影精光。終不能行於天地之間。則是誌墓者之罪也。元春伏思累日夜至不寐。達旦。退谷初在神宗時。官行人。思有用於當世。與一二同官講求時務。厭呻吟不從。病起玄黃水。火終日聒瀆。以爲吾若居給事。御史。務求實行。不競末節。小名愛戀身家。如鷄鶩之爭食。婦女之簡狎。庶不令主上厭極大創。禍流縉紳。然其要惟在讀書。讀書而後實忠實孝。實用出矣。先機蚤見。已若知有烹廟之末年。與今上之神聖者。是其人真可大用。會有忌其才高者。阨之使不得至臺省。後遂偃仰郎署。衡文閭海。終不能大有所表見。而僅以詩文爲當時師法。亦可惜也。退谷羸癯。力不能勝布褐。性深靖。如一泓定水。披其帷如含冰霜。不與世俗人交接。或時對面同坐。起若無覩者。仕宦邀飲。無酬酢主賓。如不相屬。人以是多忌之。而專積思於書史。齋頭亦致法書名畫。瓶几布設。不數目。繙閱功深。塵堆硯表。卷帙正倒參差。常從塵硯中磨墨。一方頭眼入於紙筆。作書生家紙格。

細字。居官垂老。無一日閒。嘗恨世人聞見汨沒。守文難破。故潛思遐覽。深入超出。綴古今之命脈。開人我之眼界。故其所著書。出賢者通志。而鈍夫俗僮。雖甚讎怨者。意欲投之於廁。而不能禁其不行。萬曆甲寅乙卯間。取古人詩與元春商定。分朱藍筆。各以意棄取。鋤蕪除穢。笑哭由我。雖古人不之顧。世所傳詩歸是也。幾以此得禍者數矣。小儒輩。倖倖暖。刻爲書。破之。退谷笑謂我曰。是何見之晚也。吾輩除此書外。自有可傳後者。正不須護之。使人不妬我輩。護此書而必欲其興。與世之妬此書而必欲其廢。廣陰深淺相去幾何。予深高其言。退谷改南時。儼秦淮一水。閣閉門。讀史筆其所見。題曰史懷孤衷靜影。常借歌管往來。陶寫文心。每游人午夜棹回。曲倦酒盡。兩岸寂不聞聲。而猶有一燈熒熒。守筆墨不收者。窺窗視之。則嗒然退谷也。東南人士。以爲真好學者。退谷一人耳。所至名山川。必游。游必足目。淵渺極升降縈繚之美。使巴蜀歷三峽。入東魯。觀日出較閩。士陟武夷。東南之久客。如家。吳越之一游。忘還。山川豫待。人士歡迎。其詩文未嘗不勇進而勤徙也。年四十八。九始念人生不常。佛種漸失。悲淚自矢。以爲讀書不讀內典。如乞食終非自爨。男子住世數十年。不明生死大事。實賈而去。一妄庸人耳。乃研精楞嚴。眠食藩溷。皆執卷熟思。著如說十卷。病臥猶沾沾念之。曰。使吾數年視息人間。猶得細窺妙莊嚴格也。退谷簡易如揚子雲。劉子政一流人。敝車羸服。挾雙僮出。不治威儀。嘗遊虎丘。遭兩公子。見侮於途。醉狀敬傾。作捉搦蹴踘勢。同行客怒欲毆之。退谷急止之。曰。此惡少也。吾趨避之耳。明日傳刺有兩書生求見。蕭衣冠。書幣恭謹。以文來。贊稱弟子者。退谷出舟相見。則向人也。爲細閱其文。不復言。兩人慚無措。退谷雖嚴冷。然待友接士。一以誠厚。薦人惟恐其知。會答當路書。至半停筆思曰。彼方有何士。爲一言之久。之思得一人。喜而書汨汨然若有所請。屬者其後所薦人多。雖黃退谷彼特未知前書中語耳。使以書中語告之。慚當何如也。性喜擇士。凡一見而知其人。卒以成名者甚衆。遇有真賞。雖其人在千里之外。心憶口追。常如隔隣。人有佳文妙談。日自尋味。以潤澤其胸臆。不問所逢貴賤。皆執其裾而詳告之。故往往才人成就。歡悅無量。但以愛人慧巧。不肖者因而呈身。濫

交游。詢。懇。斷。皆。義。于。此。亦。可。爲。士。大。夫。不。慎。之。戒。矣。退。谷。內。行。過。人。凡。大。父。以。下。先。世。貽。家。孝。愛。爲。生。艱。難。事。皆。迴。環。於。心。未。嘗。一。日。忘。生。嗣。父。母。恩。養。教。誨。言。之。哽。咽。不。能。竟。其。詞。弟。姪。相。依。孤。寡。盈。前。歡。笑。痛。苦。一。往。無。緒。然。居。喪。作。詩。文。遊。山。水。不。盡。拘。乎。禮。俗。哀。樂。奇。到。非。俗。儒。所。能。測。也。予。嘗。記。其。一。事。生。父。訓。導。公。以。受。禮。部。郎。中。封。去。毘。陵。退。谷。亦。秩。滿。歷。閩。中。督。學。侍。親。還。家。舟。泊。九。江。歲。除。明。晨。服。吉。賀。正。訓。導。公。素。嚴。忽。中。繼。室。之。言。不。聽。上。舟。退。谷。衣。冠。立。岸。上。良。久。長。年。斷。役。錯。愕。不。知。所。謂。已。而。上。舟。跪。拜。訓。導。公。素。嚴。忽。中。繼。室。之。言。不。聽。臥。退。谷。復。友。冠。拜。牀。下。曰。太。夫。人。安。否。謹。再。拜。賀。太。夫。後。侍。童。爲。予。道。如。是。予。爾。時。問。之。歎。仰。而。已。退。谷。爲。諸。生。十。二。年。常。不。利。癸。卯。舉。孝。廉。至。庚。戌。始。爲。夷。陵。雷。公。檢。討。所。深。賞。中。第。十。七。人。成。進。士。爲。行。人。者。八。年。中。間。使。四。川。山。東。及。典。貴。州。乙。卯。鄉。試。者。凡。三。差。擬。部。者。二。年。改。授。工。部。主。事。上。疏。願。改。南。曹。部。持。不。覆。者。又。二。年。授。南。禮。部。儀。制。司。主。事。轉。祠。祭。司。郎。中。者。又。一。年。陞。福。建。提。學。僉。事。考。較。興。化。延。平。福。州。三。府。者。一。年。尋。丁。父。憂。去。職。大。尉。中。人。言。服。闋。居。家。者。凡。三。年。而。退。谷。卒。壽。蓋。五。十。有。二。矣。生。于。萬。歷。甲。戌。七。月。二。十。七。日。沒。以。天。啓。四。年。六。月。二。十。一。日。葬。以。天。啓。末。年。丁。卯。十。月。十。八。日。塋。去。皂。市。十。里。笑。城。之。南。所。著。書。有。隱。秀。野。全。集。評。閱。諸。書。俱。行。于。世。退。谷。諱。惺。字。伯。敬。先。世。江。西。永。豐。人。正。德。中。始。徙。景。陵。之。皂。市。曾。祖。諱。弘。仲。祖。諱。山。最。有。隱。德。山。生。二。子。長。卽。公。父。諱。一。理。號。裕。齋。公。嗣。母。陳。宜。人。次。卽。公。生。父。諱。一。貫。號。魯。菴。公。武。進。縣。訓。導。生。母。馮。宜。人。皆。以。公。貴。拜。大。夫。宜。人。妻。黃。氏。亦。封。宜。人。妾。廣。陵。女。吳。氏。以。過。悲。繼。公。死。黃。宜。人。所。生。子。肆。夏。年。十。四。爲。諸。生。穎。邁。早。卒。嗣。子。陔。夏。亦。諸。生。妻。謝。氏。有。孫。矣。母。弟。四。人。懷。早。卒。怪。諸。生。詩。文。甚。奇。先。退。谷。卒。悌。又。先。怪。卒。獨。五。弟。快。在。耳。快。真。朴。長。齋。事。佛。通。書。畫。事。予。如。兄。姪。二。人。昭。夏。納。夏。昭。夏。亦。諸。生。元。春。旣。已。爲。誌。憶。昔。年。退。谷。之。作。魏。長。公。銘。也。曰。後。死。者。之。墓。之。誌。烏。知。夫。誰。手。予。戲。謂。退。谷。有。如。我。一。旦。填。溝。壑。所。謂。君。雖。恨。于。臣。無。可。奈。何。也。當。時。戲。言。耳。豈。意。一。片。幽。石。眞。落。予。手。乎。悲。夫。何。以。銘。銘。曰。

餐幽獵秀無終極。冰性霜毫真宰匿。得意靜書不再飾。海嶽如從君受職。驅煙排霧待拂拭。紛紛餘子不相識。強來君前談法式。鞭笞鳳麟助裁抑。爾曹蠢蠢徒失色。勤農羹湯費稼穡。汗流至踵沒籍湜。大勇猛人歸蓮域。厭多聞障宣慈力。海印放光只頃刻。發棺求之不可得。茫茫衣履我銘側。

觀察使吳公白雲墓誌銘

吳公白雲。天啓甲子卒於寧夏。既輿觀歸家。五年二子寅驥將以崇禎二年正月二十三日。葬公於北郭香稻園。園公所營也。其中綠篠幽石。水榭煙路。皆公平日耽玩徙倚之地。又其北爲三一菴。舊爲東林寺公少與李少參長叔讀書處。兩君先後通籍公湖州歸。葺之燈火青熒。煙水空冥。公魂魄必往來是中。卜吉固宜矣。而二子以其狀乞銘于元春。記公家居日子常過公員閣。愛其天機鏗宏。道心超忽。固嘗以公爲韻人也。而讀其狀。想其居官又不得以一韻而掩之。乃作誌曰。公諱文企。字幼如。白雲其號。又號屋菴老人。又號絮菴。毛恭人孕公時。從兄方伯公文佳。舉于鄉。旗至而公生。故小字旗生。其先世自三吳徙吾竟陵。曾祖諱瓊。祖諱政潮。父諱鏜。贈公也。贈公有四子。而公爲季。贈公早歿。伯兄文炳督之學。辛卯鄉舉第二人。戊戌成進士。初除南戶部主事。卽矯然以清節自治。往權武林北新關。公慨然曰。瘡爲虎官爲狼。商不可爲也。澄心察之。度其利病所在。而一以商爲命。於是減織雜稅三千金。有翼璫而虎者。抵於法。除其蠹殆盡。少冢宰史公嘆曰。亭亭哉斯人乎。疏薦之後。六年出守甯波。曰。吾今日東海太守。惟知有法耳。定海邑爲防汛駐節之地。郡城闔常虛。其地以貯戎馬。豪者奪之爲市肆。而輸金賂守。號公用錢。吏抱牘進。公叱之。豈有是乎。撤其屋。卽相國家奴不得庇。蓋沈相國郡人也。又公座主。先是守令以折腰見。公曰。不可入。而揖揖而請。氈下拜。相國答拜。有橫于市者。相國家奴也。民訟相國公械繫之。朱書其上。訟相國者罪勿赦。一郡人見械上書相國無所諱。莫不股栗失色。郡中以濱海防倭。有水陸兵餉數十萬金。向飽人腹不得問。公身自支算。秋毫不受人漁。務使國家兵餉出于實用而後已。大司馬青雷薛公作撫戎碑。

載其事曰。安得九邊皆若人乎。豈憂南倭北虜哉。歲丁未上計畢。取道還家。觴毛恭人八十。再赴郡。尋丁母憂去。職家居五年。始補郡。得湖州。湖州與四明壤相接。清粟之聲。達於境外。舊多寇盜。出沒千流萬嶼中。聞公至。皆解去。予嘗過吳興。郡人譽之不容口。韓太史求仲。導予尋公故蹟。由桑苧園上鶴鶴亭。因謁白雲祠。祠塑公像。予不覺失笑。何其似使君甚也。因爲予談在郡臥治。琴書悠悠。當置公顏清臣柳文暢間。會太守秩滿。遷江西副使去。郡郡齋有石一片。宋元豐間物。公從林薄中出之。笑曰。太守落落如此。石應太守將去。遂歸里。與石相對。擲饒南節。不赴。偃仰八年。始起家。秦中修兵關西。嘗署守道苑馬兩印。一以考覈虛實。約身束下。墨吏皆望風而避。靈有根究。不盡搜剔不快。由是平涼固原之間。兵餉皆有紀經。平涼宗室萬家。祿餉不均。不以時給。常聚族而譁。公曰。此非宗人譁也。在我而已。哀益之去其害宗人。以悅。未幾調甯夏兵糧。兼督學政。甯夏古朔方地。虜在籬落間。叛服荒忽。不常。賓免。宰僧松柏黃台吉。十有三種。其部落款貢效順。獨銀定點不服者三十年。降夷或欲窺邊。則用爲口實。公移甯夏。後是時有一老胡棄家。薰修胡人宗信之。號爲佛僧。卽兵事亦咨焉。佛僧教銀定降。邊吏具以聞。督撫臣請于上。報可。乃以公出塞平虜。銀會初譁。議賞不合。公持之力。命撤去款宴。卽草檄飭兵以待。酋見公不可奪。乃意細。公于是登撫夷臺。宣命受降。是日貢名馬數千蹄。乃給文錦金錢牛酒。勞之。酋皆羅拜呼萬歲。去。公在甯夏。修敵樓。易戰馬。造石閘百餘里。不爲一切衰世苟且之計。賀蘭細柳。聳然改觀。巡按高公曰。民失一寇軍。得一韓。非虛語也。忽夢有幡幢鼓吹來迎者。覺而異之。有頃端坐而逝。公爲人清通靈警。妙整風格。而臨事先發制奸。迎見逆決。尤其所長。每到官。輒呼吏胥問年久近。年深者誦罷之。吏胥自言無罪。不當罷。公笑遣之曰。戀戀公家。卽汝罪也。公清冽固其天性。然亦由嶽崎成之。官吳越時。家人舟舶往來。凡杭秣旨畜。皆自家中漕齎到。屏僮婢閑暇。日從署後園刈草攀枝爲薪。不時時向外採給。民皆駭服。私相謂曰。吳府君不食肺膾。猶可也。無薪何以炊。世固有清廉吏。能令釜自熟者乎。其忍情邁俗。不令人測。皆此類也。所著有絮菴漸錄。讀書大義耳鳴。

集藏於家。公以嘉靖甲子九月初六日生。以天啓甲子八月初六日卒。得年六十有一。嗣子寅驥皆諸生。寅樸雅能繼其志。驥有雋才。從予遊。初其艱。嗣息一日夢贈公謂曰。無憂也。有子考視其足。則着重履。沒以二子爲後。始知考寅小字也。履驥音類。夢竟驗。譚子曰。吾邑自魯振之祭酒後。德業名實相踵不絕。而公於其間具勝因。標佳事。有錫杖胡床之思。古鼎奇字之好。可謂韻矣。紀之亦足以傳。然觀公關西款塞恩威相輔。非但人不敢以韻盡公。即公亦若恥以文士廉吏盡而思以宗澤种世衡之奇抱一施用于當世者。予猶愧其未足以盡公。是宜銘銘曰。

備合道。巧中理。典兩郡。心如水。倚長劍。拭髭几。黠者服。降者喜。死頭落。馬驚起。緋衣迎。長吉死。獨樂園。通德聖。我作銘。公瘞此。似吳天。煙月美。

廣西古田縣桐木鎮巡檢陳公墓誌銘

會稽陳復野公。生于弘治乙卯四月望日。卒於嘉靖甲辰八月五日。年僅五十。尋葬矣。至萬歷丁巳。其孫汝道先生名治安者。始來楚爲武昌令。又以天啓壬戌。補楚新化令。而是年四月八日。予過寒溪寺。忽見壁間有丁艱時別武昌六詩。甚不類今人作。驚喜而傳之。越三年甲子四月。自新化以書通予於家。始爲復野公乞銘。而予適在京師。未之見也。又一年乙丑。改教豫章之德興。是年十一月。復來取銘。而予因重有感。以公之葬五朝矣。何尙無銘。予何以得銘。公之孫何以徵予銘。予何以與公之孫交。其故皆荒奇。非由設施已而得其故。曰知之矣。復野公。懷奇好古人也。予往者。眠寒溪。殿門之壁。若有物焉。殆復野公耶。於是志之曰。復野公名秀。字大芳。性任俠。尤好讀書。然不好舉子書。舉子書一讀輒厭之。脫身走燕趙。交賢豪。有氣岸。人不肯逐隊行。遂留都下。爲兵部掾吏。公鄉人居都下。爲掾吏。長子孫。率以爲常。相緣沿成。魁猾公慨然曰。顧其人何如耳。安見公門不可託身乎。爲掾吏好讀書。日益甚。賓賓如士人。司馬尙書。卽重之。使其子出拜問業。曰。是人殆江南學者也。汝師哉。考績還

里家日落。然性豪宕。賴以其暇日治具酬客。與宗人子弟稱引書史。凡子弟師友。連翩招呼。以充坐客。未嘗與俗人飲。山陰有李真泉先生。受業于王文成。善教人。富人局其塾。不易致。公百計致之。載與俱歸。終不聽李先生還。李先生亦不復取其故。餽圖書衣履。遂留塾。課其仲子。公因相與讀書討論。日聞所未聞。久之。兩人深相得。公雖家不及富人。然事李先生謹。暑月遷室。手劖松枝爲架。肅肅陰映。他生徒直日供飲饌。身爲試筭。旨然後進。又親滌溺。器中納蛤蜊蛻漱之。尊師友如父兄。身操作如餓隸。此甯獨富人難耶。謁選得粵西桂林郡古田桐木鎮巡檢。時幕府有喪。太守欲遺官弔。烟瘴不可往。人皆避謝。公挺身詣行。甯可以避難爲官。官無崇痺。失義均耳。太守大喜。遣之。贈一囊藥。曰。庶免于瘴。然竟不免。還命而卒。太守爲買棺。前所善邑之卿大夫。嘗令公會稽者曰。王公文儒。爲視合欵極其誠。扶櫬者爲僕人。陳瑞初從僕四人。或病以死。或逃亡。獨瑞萬里伶仃。乘傳哀訴。廩支贏餘。毫髮不以自盜。此亦有過世所稱士君子者焉。非公甯有此僕也。公之父恆齋君。生二子。伯子雲野。公節。善治生。家故饒。厭公所爲。兄弟似殊志者。一日雲野公與人鬪。身往助之。不勝。閉門恥不出。忽出門去。從師武人。學擊刺。每月夜則步入僧寺。操械負劍而舞。盡得其法。無所用。始棄去。然亦可以想公至性奇氣矣。公凡兩娶。元配金孺人。繼爲祁孺人。金出者一祁出者二。師堯金出。交爻皆祁出。交別號曰思野。公予亦爲之志墓。卽予友汝道先生父也。銘曰。

孰謂掾郢。博聞心苦。孰謂官微。豈國靡鹽。孰謂歲遠。貞珉可補。

將仕郎思野陳公墓誌銘

楚舊尹陳子汝道。嘗以其親將仕郎思野公一傳一志銘。請于春與鍾子伯敬。春諾。傳伯敬諾。銘。迨汝道使來徵。而伯敬先數月死。予傷其負也。因輟傳而從志。以終友信焉。志曰。公諱爻。字可效。復野公季子。年十二。孤失學。爲縣掾。事古公文炳。張公進思。入京三考。貼辦歸會稽。有同姓冒公名爲奸。當除名。古公張公適爲京官。辦

之力。訊官不可已。而指貼辦擅離職役。亦當除名。蜀人韓公。怙爲吏部。雪其冤。捕同姓名者。且吏貼辦。非擅離職役。名因得不除。久之。謁選爲桐城典史。遷石浦巡檢。以歸。及汝道爲武昌令。迎養武昌。久之。又歸。而卒于萬歷之已未。距嘉靖癸巳生。日年八十有七。其配沈孺人。先一年卒。亦八十有七。合葬于西山子治安治本治策。安卽汝道。嗚呼。讀汝道之狀。可謂不以所賤事親矣。夫世所賤者。掾吏小官也。汝道所賤者。辱人穢行也。苟世之子孫。有能以科名文章揚其親如汝道者。談至先世爲公門掾。爲卑卑無所比數之官。則不欲盡其辭。有人問及之。則面發熱。若問者以此相譏病。而至其先世集。詬好貨財。戕賊人以行媚。反若可安焉。誰謂是人孝者。汝道述思野公。獨于一考再考三考。桐城典史。崑山石浦巡檢。津津然談之。如科目縷悉之。如高官要地。子苦孫益榮增華。如得美蔭。考其質勤廉長厚。自立無苟之地。稱爲當世賢者有餘。吾以知汝道真能愛其親且尊也。凡他掾吏入京國。意欲何爲。不過取千萬如寄。公三年間躬躬。不獲一錢。在桐城時。太守蒲陽唐公重之。拉與上計。途次貸公八金入都。還公。公徑受之。無猜也。官崑山。崑山張給事家。斃山水盜。公私念歲荒民苦。特拾山下殘枝。非盜也。呼之久不至。至則言曰。欲賣女充所司。用公曰。吾所司自書記至兵卒。無需錢者。可無賣女否。曰。如此又安用賣女。其人竟得不坐。公介心亮節。難可舉述。而子以爲却金還金。不賤窮丐。公生平總如是。但當傳此一二。使人想見古人之意而已。太守之八金。可以取償。可於上計時取償。無他患。而給事家之盜殘枝者。可釋。可以巡司官釋。則天下舉安不難也。嗚呼。當汝道之時。恐已有不然者矣。予故三致意焉。以賀公之遭銘曰。

賢者乎。抱關擊柝長者乎。寶廉居約。吾何忍不志公墓乎。亡友所諾。

三十四舅氏墓誌銘

儒者見農人一切漫不爲禮。祖父士大夫。而後人務農以爲降。春嘗竊笑之曰。是殆未見吾三十四舅氏魏崑山公也。孰可禮。孰不可禮。孰執孰降也。天啓乙丑歲十一月二十二日。舅氏死。得年六十有一。春特誌之以告。

賢者誌曰。魏在邑爲孝友族。三世不析箸。外王父似朴公。兄與姪皆中鄉試。外王父爲博學諸生。每教人必以古人三男四女。皆曰熟其言。吾姨吾母。亦以女子知大義。往往有婦道母德。吾舅氏三人。其伯爲良翰。仲爲贊化。習舉子業。皆不成。伯舅氏爲吾弟輩熟師。又予嘗從學律詩四聲。年七十以死。予詩中有二十九舅者是也。仲舅氏則未五十便死。予少時小學四書。尙書。皆舅氏口授。恩勤倍深。但兩舅氏咕咕授生徒。貧困失職。衣冠步趨。未肯失尺寸。稍似以詩書誤。而三十四舅崑山者。則其季也。名良玉。不治儒。去學爲農。魏自三氏合爨。時家歲盛豐。數十年後。歲常大水。大饑。田皆瘠薄。耕者率不屑盡力。而舅辛勤力穡。牛種因時。簞食壺漿。約己豐人。故其春先衆及秋。先衆成。良田亦不能過也。農暇。或一至予家。問吾母安否。夏月稻登。場必遺以新。仲秋月圓酒熟。必寄予兄弟。每過予家。則教以安分行樂。勿向幻世作認真事。予兄弟往拜舅室。見其與婦喬儒。人子女四五人。所畜童婢二人。料理鷄埘牛圈。屋茆釣繙。寬然無辱于擔石之中。應酬不煩。王稅不逋。貴不知敬。富不知羨。若以今世士大夫稍能知苦樂安危者。聞舅氏事。豈有不竊歎者哉。而及其見農人。又一切漫不爲禮。嗚呼。吾其可以不銘。銘曰。古之農乎。真吾舅也。今何士哉。甥所醜也。

先府君志銘

不孝聞貌真者。惴惴曰。一豪不似。卽是他人。而人子狀其親也。欲以古今人之德業文章。并集于親一人之身。其意豈不甚孝。嗟乎。掇拾古語。以稱今人。不孝惴惴焉。懼其不真也。人苟以名行自治。又使人望而稱爲快人。旣死而衆人耳目之前。覺少一快人。足以悲而思矣。况父子之間哉。不孝悲思吾先人初爲狀。將以求諸志銘者。而久之卽以爲志且銘焉。字經三寫。則誤。故不孝仍自用其狀以求真也。記先人言其少時行當陽界。募投村舍。甕上有譚公念湘神主。異而悲之。父嫗驚問。故先人曰。見神主姓號與吾府君適同。故悲耳。父嫗曰。郎君卽是乎。公爲我德。我是以如此。因泣下不能起。與先人羅拜。交相泣。先人歸而歎曰。嗟乎。人不可以不爲德。有如此矣。先

人九歲孤。十八爲諸生。性佻達。與諸少年爲衣馬聲伎之樂。尋自悔。今日游戲信快。有如與盡神。而我將安歸乎。歲其故所衣篋中。衣大布衣。諸少年望而走矣。當先人衣馬聲伎時。用財如土。然性實爽。不以謝諸少年遊。故卽錙銖爲富人。無則賣良田給旦暮用。有則復置田。無則又賣之。客至卽留。留必傾樽。作客卽自留。傾其樽。坦衷率性。直腸快口。啖帶一坐。越禮驚衆。雖其體稍肥。竊觀先人上馬歷階。步趨并影。謾謾然如一羶人也。此豈無神情也哉。凡不孝所與多快士。過不孝之家者。不與不孝談。而與先人談。不孝退。其語笑倍。不孝坐時。及不孝趨就坐。而客與先人笑。頓止。子父之優劣。亦可以想見也已。嗟乎。不孝又惴惴焉懼其不詳也。先人諱某。字德父。以早孤。念先大父不獲與甘大母同養。故又號念湘。嘉靖辛酉九月二十八日午時生。萬歷丁未九月十八日酉時卒。萬歷甲寅十一月十二日子時。附先大父母白竹臺之墓。年四十七而卽逝。逝八年而始葬。痛哉。子六人。長卽不孝。元春。婦劉子笈。籍元暉。婦劉子簡。次元聲。婦歐陽子篤。次元方。婦江子籟。女一次元禮。婦楊次元亮。婦王女三人。長適朱運恆。次許字盧克。次許京山魏繩理。當附志。銘曰。

不求於人而自銘焉。明乎其有子也。不求乎備而務實焉。明乎其有恥也。嗚乎。此先君之指也。

沈母改葬誌銘

孝感封給事沈鎮東先生元配曰楊孺人。沒十年而始葬。葬十二年而復遷。其葬也爲黃陂南鄉。青島家谷之發視良然。距南鄉二十里而近。有丘。舉如者爲匡氏地。岡巒環匝。可定也。改葬焉。孺人葬後十二年間。以仲子炎洲公令香河。居諫院。重有太孺人贈。又以國有曹節候覽之禍。抗疏不勝。與一世正人削籍里居。詰命靡留。後三年。今上御宇。不大聲色。誅磔之如卷殘雲。而給事公首召還。泉壤復一光。獨其幽寒沁骨。必議遷乃克安。而復詰命適與遷會。若起而受新天子冠。帔之錫者。人以爲榮。且快云。是時長公滄州。亦自武學徙吾邑。廣文與元春交甚善。一日歸。還中父子兄弟謀曰。人生世間。惟師友志同而思深。爲吾母志墓也者。非師則友呼。曩者葬旣乞

銘于座師韓太史矣。今竟陵譚子者。方有志于古文。是固吾友也。吾友則可銘也。于是給事公以其書幣來。而滄州君與其五郎永親拜于吾庭。元春愧念之。是寧可以世俗名爵量其胸次者。諾而志之曰。沈楊同里。閨世爲媼。媼楊處士城有隱君子行。生孺人極靜婉。十九歸封公。逮事舅姑。封公父至。軒公方嚴人也。束子婦不爲借母陳。濟之以慈。孺人敬順操作。身影在井臼椿杵間。不以勞貽姑。每農月。減獲在田。孺人一手支壺。汗常浹衣。起而更衣。不令陳母知也。最能得陳母體。陳亡。孺人悼思終身。又事繼姑張。得其驢。孺人亡。張悼思之。亦終其身也。嘗訓諸子婦曰。惟慎惟默。可以處娣姒。汝輩腹能妊子。難藏一語。聞者歎焉。孺人爲婦事姑。爲姑教婦。不出愼默兩者。亦近代之鍾郝矣。性尤澹忍。不顰不鬨。甌孟如齋。特薄粥以爲生。身無繚帛。卽婚嫁歲時。一帕蒙頭而已。然孺人明大義。不爲一切齟齬。封公同產姊妹四人。皆孺人黽勉。匍匐以成。封公孝友。貧者田廬之緩急。時之嫠者。悼之。乏子息者。腰之。有喪者。衾之。櫬之。嫁者。奩之。孺人助居多。先是封公攻苦遠學。學成而試。輒困。孺人督課諸子。涕淚焉。嘗曰。汝父數奇。王母以爲憾。汝忘汝父之困于一試乎。曰。不敢忘。有度歲山寺。不歸者。母喜治芋蕘椒漿。遺之塾師。故江右人。絮幼弟來學。孺人辦供具。衣履歲不衰。手爲薙髮。先於諸子。逢歲飢。魚菽艱辛。終不令塾中匱。而身則竟日廢七筯也。自長公補諸生。餘皆能文章。始勸封公謝經生業。十畝之間。甘之如飴。有夫耘妻饁之風焉。至丙午。而給事公舉于鄉。孺人蓋親見之。其明年始卒。長子惟耀卽滄州方諭吾邑。次惟炳。卽給事公丙辰進士。次惟輝。次惟煌。俱廩生。女二孫。十五人。曾孫七人。孫女六人。嫁娶皆望族名人。諸子孫傷之曰。嗟乎。母則苦矣。惜也。不同有今日也。元春獨以爲不然。夫母也。古賢母也。儉約主倡。在顯彌篤。且素風漠漠。出乎天性。豈以今日有加簋有飢筐哉。銘之。足以風銘曰。

幽宮冷闕。松柏空長。牛眠有所。勿戀南鄉。君子難老。黃髮嘆衰。一門綦綦。鸞鵲相將。荆布糠覈。約取奢儉。家傳一經。朝有封章。天人同德。地敢不臧。易汝一坏。降汝百祥。我作斯銘。千億年藏。

先母墓誌銘

先母魏儒人邑世家女也。外祖似朴公博學長者。嘗舉古人懿行教授子女。女雖不令識字。然曉大義。過於三男。先母其最也。年十八歸先父。事姑率下。及先父所爲磊落少尺度事。則曰孰可孰未可。吾聞之家訓如是。十九生元春。自是多男女。年四十一卽喪先父。一夕夢先父故所愛常乘白馬。張口作人語曰。夫人壽止五十三耳。至五十三果病。病漸失明。在狀榻間進茗粥。初無痛苦者。凡八年始從先父地下。得年六十矣。人以爲五十三而後先母自用慈靜延年云。孀後取婦五女。適人三子。僭皆諸生。孝廉內外孫孫女成隊。世俗稱量。謂先母用是。嗚呼。先母生平異甚。生平喜諸子讀書。而不以榮進責望。每逢下第之歲。輒置酒勞苦諸子曰。此自有定分。吾亦不須汝曹有此也。嘗邀友人王君時揚輩同飲。至醉私相戲曰。賀不到門北堂傾樽。蓋自寬也。戊午省試罷歸。元春意殊倦。欲謝去之。入白母。母喜能如是乎。是亦足矣。元春是以謝市衫如棄屣。越三年辛酉閏周公鉉吉來楚督學。百計致元春入闈。元春心動起而應召。又入白母。面有慚色。自陳亡賴。先母應聲曰。如兒者真可謂亡賴也。甘作勞薪於人乎。何尤往。甲寅冬十一月葬。老父還馬蹄響於門。訊之則前此郡所試童子中。吾弟四人俱列高等也。是時家祚衰。又父骨甫厝。獲茲好音。收泪啓母聲。跡歡動。先母方坐爐次。但以筯撥灰不答。元春懼而出。稍頃跪請曰。母何爲不喜。先母因切責元春。汝見汝喜時有憑觚而待者。非某姻家婢乎。明日歸道汝喜若是。汝不自我愧耶。先母情塵無繫。天性近道。子女恩深。本無可言。嗚乎。先母實異甚。現前遠膝則一體憐念。纔離旬日便無多記憶。少子愛女一切情緣。至母略盡。惟兄弟同居時。日將諸子婦房闔門巷所出所經來往於懷。一日而易之。語元春曰。人家端肅和睦盡在於是。久之遂析其箸。嘗曰。勿好和順虛名也。其恩愛脫然獨具識慮。雖通明男子或不及嗚乎。抑不孝元春所謂近道者也。隆慶戊辰之十二月五日。先母始誕。歷萬曆泰昌天啓三皇帝歲。維丁卯九月十七日卒於第五子元禮家。遵遺命以踰月。附先父白竹臺之墓。其明年崇禎改元七月。念墓石無所托。

又懼世之能文章者美而失其意。仍推昔所以銘先父者。泣血稽顙而作銘曰。
子而銘母。自名也。自名者古也。後有仁人。應傷予苦也。

岸和尚壙銘

東湖僧覺岸。以戊午客辰陽。不得還。明年己未。徒某僮某。往火其骸。甕拾之歸。而瘞諸塔院。值予方出遊。其徒不知來請銘。予悲其志。爲壙銘。亦不納。囊中使後人知有岸從予遊也。志之曰。岸有術行善。取予聞四方賢者。樂就焉。又自目擇之。未嘗失。每出必求予作書于其方之士。意不主是書也。第用是書往。或投書其人不在。或見其人未有情力。而岸自以其辨智行于其所客之地。誠詭交用。身所一過皆成故人。書實無功焉。而歸則德予書也不已。始爲邑無經藏。憤自任。遍乞士大夫作疏出募。意不主疏也。而貸于人。而復貸人。而更營之。而又以能與人取之。雖事之涉傭販者。不難居。其尋以資其智。凡二年。乃奉南藏歸寺。予以是益才岸。岸欲自建一閣。莊守藏。經爲湖中妙勝。意愈不主募。歷辰沅溪洞中。采木與苗人雜居。苗人愛其誠。樂其詭。爭爲之用。岸載木抵辰市。三倍盡賣之。復往返溪洞。如販狀。卒中疫。與其所俱二人死。洞中人皆不知岸。所以取予誠詭之道。皆以藏經閣故而竟不成。客死菁莽間。未償責有負人名。傷哉。予旣與岸暱。而不爲汲汲明其志。世安用與古文士處。銘曰。
足目皆飛。志氣不止。汝是沙門。人曰客死。何其謬哉。各觸悲喜。取或傷廉。與或傷惠。死或傷勇。思汝憤憤。

鍾友夏合集 卷十二